

國朝先正事略

國朝先正事略卷五十八 孝義

平江李元度次青纂

黃孝子事略

孝子名洪元。江蘇丹陽人。父國相。以武斷家於里中。有虞庠者。好持吏短長。夤緣告許。與國相同里。不相能。遂發國相陰事。欲致之罪。國相行賄得不坐。庠反以誣受杖。乃僞引謝。具酒食交懽。而私遣惡少年誚國相。會國相被酒夜行。從其後。捽項。反接之。負以石。沈諸河里。人皆心知。庠所爲也。莫敢問。時孝子與弟某皆幼。其後稍長。頗聞之。乃哭告母。曰。殺吾父者。虞庠也。母急掩其口。曰。勿妄言禍及矣。孝子每號慟。母輒呵禁之。於是中夜

飲泣至日。且椎床曰：死耳。母亦泣曰：汝父未葬，我老矣。俟我死，則聽汝孝子始受命。兄弟共適市，數市利斧，藏之。庠頗自疑，更
好言慰孝子曰：孺子未婚，吾垢汝。孝子陽謝曰：公我丈人行也，
得爲公垢，幸甚。退而切齒曰：賊奴欲以而女易吾父耶。久之，母
死，旣合葬，兄弟哭拜墓上曰：兒飲血含憤十年矣。今日願與父
母訣，遂懷斧往。來，迹庠，未得開。吳俗春社必陳優戲，里人觀者
環集，初國相亦以社時破酒遇害。至是，又直社。孝子見庠在社
所，馳歸呼其弟，各挾斧往殺庠。庠方上坐，觀優，意甚自適也。孝
子直入肩擠之，字謂庠曰：逸羣，我送汝死。庠起笑曰：孺子醉耶。
乃曠日，答曰：將醉汝。血援斧斫庠，應手仆。眾驚，二子橫斧揮眾。

大呼曰。去。去。毋嘗我刃也。皆卻立。不敢動。兩斧並下。庠遂死於
是。四顧拱手謝曰。某無禮。倉猝乃驚。父老復兄弟。挾斧緩步出。
翌日。詣縣自陳狀。有司義之。免其弟。頌繫孝子於獄。康熙十
一年四月某日也。後一年。上官竟脫孝子罪云。

盧孝子事略

浙之東有盧孝子焉。名必陞。字衆臣。號玉茗。世居山陰。祖名極。生子五。長芳。字南江。孝子本生父也。次茂。字懷江。無子。以孝子嗣。孝子始生時。祖母張病甚。本生母朱氏禱天求代。是夕夢神益算。并賜以孫。及覺而生。孝子少時知孝敬。有異敏。九歲。南江病。思得蟪蛄炙。孝子潛攜一筐。採諸沙口。爲風潮所沒。得漁者救。以竹筏筐。終不釋手。而蟪蛄滿其中。甲申之難。流賊未殄。懷江負俠氣。嘗仗劍獨行。不知所往。孝子奔覓諸暨山中。晝循林箐。隱夜則崎嶇匍匐而行。失道投僻路。伏屍枕藉。驚蹶疾奔。兩足爲沙石所嚙。血縷縷漬地。行跡皆赤。遇一僧憐之。挾與俱。遇

虎匿高樹大呼山神救我虎竟去閱數月得奉父以歸王子土寇竊發懷江陷賊營孝子匍匐探其穴贖以金不應繞岸哭三晝夜不絕聲賊感動爲引至父前時賊首欲得懷江降脅以刃不從斬所俘者以示又不從賊怒拔刀環向刃欲下者數矣孝子冒刃叩頭流血大呼丐命忽狂風四起大雨如注舟幾覆凶渠震駭乃得釋賊黨皆歎曰真孝子也孝子既奉父生還逆知賊必追已也卽遣人馳報祖母蓋室以行明旦賊果追之不及遂至九墩大索縱火而去懷江既被重傷病日臻孝子亦改面失音恐貽父憂雖嘔血弗以告日夜侍臥側以兩手摹患處懷江歎曰人摹我痛痛在我身汝摹我痛痛如在汝身先是孝子

出繼時。懷江有女。忘分其貲。百計傾之。孝子處之泰然。至是奉母徐氏命。往雲間。舟過石門。盜擊之。垂死。盜曰。汝死毋我。我奉某命來也。孝子佯死。盜縛而投之水中。遇救得免。或勸訟之。官。孝子曰。吾自出繼以來。蒙吾母恩育。十有餘年。母止此一女。不忍以女故。傷母心上。書白母。自謝不謹。被盜不及其他。母大感悟。以康熙丙戌七月卒。年七十有四。妻李氏。亦以賢孝稱。雍正二年。浙撫李公衛請旌於朝。詔發帑金建坊。入祀忠孝祠。漳浦蔡文勤公表其墓。

周孝子事略 潘德馨

周孝子。上晉。字康侯。江蘇嘉定人。生有至性。母病久。傾家療之。貨盡。醫言。惟得人乳。可再生。時家已罄。無力雇乳。姬孝子。謀於妻李氏。卽棄其九月兒。以乳。乳母三月。而母病痊。問兒安在。詭以殤對。自後妻不復妊。無幾。徵懷梅心。越十二年。有僧爲殷氏子。推命。怪其生年月日。與周氏兒同。詰之。則得諸道旁者也。由是兩家通往來。父子復合。而其母是時猶健。在得還其孫。人以爲孝感所致。

潘孝子者。亦嘉定人。名德馨。字式周。父曰文彬。兄德輝。長孝子十餘歲。嘗割股愈親疾。孝子聞其事。而善之。幼習爲。賈而好讀。

孝經曰。我知所以事親矣。天性純摯。不忍離父母側。雍正四年。母氏程病。盡醫藥不效。乃禱於城隍神。願減己年。益母。遂割左肱肉和藥。以進。母夢神告曰。以汝子孝感。增汝壽一紀。病立愈。後果如夢中言。邑中競稱潘孝子。孝子居父喪時。以哭泣傷。脅咯血數年。乃止。兩目失明者數月。平生。在二親前。怡色婉容。卽有所怒。見父母。則轉爲喜。叱咤不及犬馬。父母歿後。孝事祖母。至百齡。友愛繁弟。篤行好施。與皆其精誠之所推也。

施孝子事略 楊嘉禎

施孝子聖揆。江西新喻人。十歲喪母。辨踊絕食。父慰諭之。得不滅性。終喪盡禮。如成人事。父雖貧。必覓甘肥奉膳。視聽無形聲。父病。篤額天夜禱。叩頭流血。絕復甦。越日。父竟。瘞久之。父殂。廬墓三年。有白鶴飛繞。悲鳴與哭聲相應。和又繪二親遺象。每食必薦出告反面。年至七十餘。事之如生。蓋終身孺慕云。雍正八年。詔旌其門。同時宜春楊孝子嘉禎。邑諸生。有學行。順治丙戌春。父文盛避兵山塘。兵將至。孝子從間道渡水。報父水湍急。被潮流至深處。滅頂矣。猶躍出水面。曰。速走。速走。遂溺死。

劉孝子事略

劉孝子炳字耀南長洲人幼喪父事大父盡孝家貧資束修以養及歿鬻宅以葬母中年而殘孝子奉旨甘必腆出遇時果輒懷歸客至設草具對食而母常飫珍饌母嘗夏日犯腹疾思食野鷺索諸市不得孝子徬徨無措忽弋人持以至熟而進之疾遂愈嘗客華亭縣署未幾卽辭歸曰吾忍以升斗粟離漆下耶後以事滯鄰邑心痛急返則母病兩日矣日則蓬垢侍湯藥夜對北斗呼籲願以身代比歿慟絕復蘇旣葬日削削往墓哭三年如一日自母歿春秋祭祀輒涕泣過市上遇時果爲母素嗜者卽涕泣不能止忌辰悲號若初喪每獨居歎曰吾母苦節未

彰其何以爲子。乾隆五年得。

旌如制。是年孝子無疾卒。

任孝子事略 從子裕德

任孝子遇亨，字華宇，江蘇崑山人，居千墩里。生有至性，努力爲人。國初，澱湖盜錢大起，四出擄掠爲害。孝子負父逃，盜劫其父去。孝子呼天竟一夕，至黎明，忽奮躍持刀突入，盜斂負父出，身被重創，腸出腹旋，遇神醫得不死。乃扶父至嘉定羅店，以老時稱任孝子云。從子裕德亦以孝行被旌。

裕德字厚齋，幼有至性。篤於孝弟，垂髫時，其兄裕章失父，意將予大杖，孝子號泣求解得免。兄亦感悔焉。有土惡某，積怨於其父，乘間突持刃刺之。孝子年十一，急以身蔽父，兩手直奪其刃，厲氣正辭，曉以禍福，惡亦感動，擲刃去。父患痢，三冬弗痊，孝子

書夜扶掖中帶廁廡皆躬澆灌之。冰肌裂膚血淋漓弗恤也。父
歿哀毀骨立三年如一日。事母能色養病劇孝子額天禱願以
身代。母病尋瘳。兄老無藉。凡養生送死皆躬自任之。又折已產
畀其子。與己子均。乾隆十九年巡撫莊公有恭題旌得旨
建孝子坊入祀縣學忠孝祠。

劉孝子事略

劉孝子鑑字兼萬江西豐城人三歲失怙母鄒氏年十八矢志撫孤事姑余氏極勞瘁孝子稍長卽能盡孝養祖母卒孝子廬墓三年遇雷雨輒跪墓前曰鑑在此毋怖有古孝子風父棺厝象鼻山乾隆壬戌山水暴發壞廬舍孝子夜半馳救棺已漂泛孝子抱棺煩流數十里至白馬寨觸筏乃止孝子躬耕養母母久臥病思鮮魚孝子踏雪遠求之歸遇虎人立而啼孝子叱之曰爾食我母將不食魚耶虎搖尾去鄰火將及母寢孝子自外歸笑烈燄中以重衣負母出得亡恙而孝子頭面焦灼幾斃其瘳可數也母彌留日以廬墓爲戒孝子枕塊三年泣不輟懸兩

世像於堂。出告反面。享祀皆盡誠。乾隆己巳爲母請旌。得
旨建坊。待遺腹弟思銘。極友愛。教之成立。爲邑諸生。性仁惠。凡
母所憐恤者。竭力濟之。丙戌以孝子被旌。拜命日尙爲孺
子泣云。

曹孝子事略

曹孝子名起鳳字士元。先世自徽州遷崑山。父子文。買於蜀。歲
寄金錢歸。俄而耗絕。孝子年十六矣。有蜀客來問之曰。噫。死矣。
問死何地。弗知也。孝子大慟。絕而蘇。將往求其骨。貧不能行。長
洲潘爲籍。義士也。贈孝子百金。將行。其叔父尼之。願自往。金盡。
忽所獲而歸。孝子既壯。每念父。輒憤痛欲絕。潘君復贈金四十
兩。遂行道河南。歷陝西。走成都。南抵滇界。西達金川。書牒於青
逢人。輒哭訴。無知者。逾年。反成都。齋於諸葛武侯廟。神示所向。
遂東行道險。踵血流。失道七日。無人。蹊及酉陽積雪。盈尺。不能
前。踏土穴中。兩日。有項生許生過之。騎羣鴉。榜穴鳴。卽之。見僵

尸焉而氣微屬視背牒吃曰孝子孝子掖之歸飲以湯問故止
孝子宿進酒肉弗食曰誓不見父棺不食此矣其夕夢經荒原
一老父與數人坐林下見孝子至拍手笑曰月邊古蕉中鹿兩
壬申可食肉覺而識之一日隨兩生出行過荒原如夢所見白
楊下有棺纍纍然孝子心動泣不止兩生問故語之夢兩生曰
有徵人胡某者居此久盍往問之胡沈思良久曰確信頗記十
年前鄉人曹氏客死殯於是所遺牙牌納棺中其殆是乎然
非白之官莫驗也遂由巡檢白知州飭里長察驗棺皆有主名
而其一獨無故棺見骨孝子漉血驗之沒骨棺有牙牌文曰蕉
鹿孝子大號曰是矣月邊古胡也蕉中鹿牌也何疑焉遂收骨

行時乾隆十四年也。項生許生爲設祭。祭畢以餽肉食。孝子曰：向子不食肉者，未見父棺也。今則既見矣，憶與子遇穴中，日在壬申。今六十有一日，而又值壬申，夢悉驗矣。豈非天哉？孝子再拜謝。兩生交餽之贖，乃負骨歸。道湖南，過洞庭，風作兩日，不得度。同舟者疑之，且大索。孝子恐禱於洞庭君，明日風止，遂得度。既歸，其後母見牙牌而哭曰：嗟乎！此我鎖匙牌也。爾父出門時取鎖及牌，去不見。此二十餘年矣。復取棺以殮，而納牙牌焉。孝子性鯁直，謹取與治家有法度。既老，月必再三詣冢，上灌所植樹，表哀久之。然後去。四十九年卒，年七十有二。子五人。

國朝先正事略卷五十九 孝義

平江李元度次青纂

汪孝子事略 汪一崧 王品璋

汪孝子一元字兆初江都人縣學生父良澤病孝子方省試出
第一場聞之不反次疾行窮晝夜數百里歸視父父已卒大銜
啼血家貧躬舂土起墳力竭矣明年又遭母喬喪遂以毀卒年
四十有二孝子之毀也號天地而不歸通幽明而一視仁孝等
於性初禮經其後起者已孝子既歿妻鄒氏煩攜荷菟教成其
子中鬱爲通儒卽容甫先生也孫喜孫亦有學行記曰毀不滅
身爲無後也聖教之愛人也汪氏死孝後乃克昌天心之祐善

可知矣。孝子通算學，嘗以今法逆推朔閏中節。至乾隆十四年四月止焉。孝子竟以是月卒。莫所謂通於神明者歟。從兄一崧年十七，剔肱肉起母潘危疾。道光初，同時被旌坊其鄉。稱汪氏二孝子。

又王孝子品璋，海昌人。家貧，服賈於吳門。道光十二年，聞母病，徒步歸，侍湯藥，惟謹。越七日，母歿，庀喪具。晝夜長號，旬日骨立。旁觀者憂之，而孝子不覺也。孝子蒲伏如侍母，側夢魂如與母言。明年春正月八日夜，將半呼家人言曰：吾將奉母往矣。問何往，曰：歸位。逾時卒。距母喪未百日也。年四十五。兄某傳其事。

張孝子事順 蔡應泰 楊璞 劉芳

乾隆二十六年秋伊洛水溢破外堤。灌偃師城。洶洶有聲。民皆避水。牽星樓上。張孝子者名大觀。奉母亦登焉。無何水撼急。樓傾。眾皆溺。孝子左手爲石柱所戕。臂及腕皆折。血漂波赤。不斷如撲。不顧入奔。濟求母。有孫號救。孝子叱之去。望母髻露水中。得之負出。水有大樹橫。偃。嚮口。孝子曳其斷手。獨以右手舉母。騎樹枝上。復泅而覓食。食。母撫其斷手泣。佯慰母曰。兒手雖折。幸不創。母自愛。母憂水退。負母歸家。猶屏當衣食。是夕創重。竟死。

蔡孝子應泰。縣人也。母柩在堂。水且至。以繩縛母柩。旋繞數十

而令固束兩人帶爲纆。水至。妻子號救。不應。跪負母柩。轉洪濤中。柩與手若兩翼。飛瞬息八十里。抵鞏縣神堤。神堤灘者北邙山尾也。山橫洛口。過黃河。衝河漲。倒灌洛流。澤潤灘上。柩忽爲沙擁。村民異之。以長鉤引至岸。舟之上。孝子亦無恙。天將暮。聞鄰村喧救。兩人趨視。則其妻若子也。眾嗟歎曰。神感也。釀錢送之歸。

楊孝子璞。亦僱師人。莊農也。與其弟某奉母居。弟饒於財。孝子貧且懦。水至。弟以筏載其妻。逃北山。母呼之。不應。竟去。孝子怒。棄其妻。子襁母於背。將浮水。趨北窯。水勢奔驟。若有挈之者。旋躍大函。中山上人望之。如慈。罷浸漬不沈。亦抵神堤灘。村民救。

之登岸頃之有婦人抱子漂而下母遙望忽號曰吾婦與孫也
救之果然翼日歸而其弟乘桴將抵北山下大樹崩崖筏夫婦
俱溺死先是村民夜聞空中神語明日當速救孝子母民驚起
各具舟及長竿巨絙以俟以是得俱生母壽九十餘無疾終
康熙己巳洛水溢有劉孝子芳者永甯人也父爲巨浪所漂疾
流如矢孝子追哭里許躍入水援之父恍惚聞人語云急抱吾
馬足可渡父如其言比達洲則所抱者孝子雁也父子俱獲免
知縣佟賦偉嘉之率鄉民環拜其廬表曰孝子村具牒大府采
其事入通志事在三孝子前

常孝子事略

史印會

孝子姓常名裕綸。山西徐溝人。生四歲孤。家故織商。無游藝。母戴氏。鍼衽以俱食。孝子侍側。愉愉然不刻離。既長。以武舉授鎮海衛千總。督漕者多風波危。以故勿克迎養。乾隆二十八年。孝子畢官事還鎮。人見孝子。連日喜色溢眉宇。異時謂之。乃其母已來也。未一載。母卒。孝子雞斯徒跣。不納勺飲。塌大殮。攀棺號阿母。不止聲盡。血湧腸裂。而卒。距母亡。裁三日。年五十有一。論者謂禮稱毀不危身。又曰五十不毀。然皋魚立哭而死。孔子與之。孝子年五十矣。豈不知留其身以慰母於地下哉。乃情極而禮忘焉。非得已也。同時有史孝子印會。字綬棠。陳陽人。父

汝杰官潞安同知。孝子幼隨任。事父及母謝氏甚謹。父解官歸。母病。孝子奉湯藥。衣不解帶者累月。骨柴立如枯腊。母歿。呼搶。不欲生長。號擗踊。嘔血數升而死。

范孝子事略 朱有合

范孝子仲光，湖南桂陽人，農家子也。天性過人，其父母命之學。年十八，父邁危疾，醫禱窮，潛封兩肱，家莫知。見其慘黯，無人色。竊危之，父竟死。孝子宛轉泣，誓神支離不自克。如欲無生者，其母思失孝子，踰兩月，召其同學者數輩，強掖之館所。孝子重戚，母忍涕習所業，手製縮艱。上下人靜，輒絮泣，其曹疑之。陽與語，持而稱其臂，則左右各去肉倍寸，藉如握。孝子哭，其曹皆哭。人始知孝子割肱也。免喪，試補弟子員，舉一子終，以毀故病咳血。年二十五，遽歿。妻何氏爲孝子守義，無孤克有立。

同時朱孝子有合，亦桂陽人，居井頭。宋孝女明旌靖一姑，故宅。

也。姑幼。遭家難。爲貞女。撫周歲族弟雲伯。後其父母。苦汲掘宅。隙得泉。因井之後坊。其井曰義井。宅其宅曰井頭云。孝子爲雲伯十六世孫。父元載。母范氏。有兄三人。年十四。割股愈母病。二十喪父。以糶食與其叔。分耕營內。母從伯仲居井頭。井頭去營內六里。而近孝子。且耕且奉母。宵必定。母寢。僕僕道途。應晷刻。終母之身。弗衰。母卒。年七十有八。孝子免喪後。視瞿瞿。恆中夜涕泣。晚起。豕倍愴咽。痛其父弗逮也。孝子妻胡氏。弗戒於火。面焦爛。胡盛年尙無子。或勸納妾。泣然曰。是與吾共事吾母者。忍負諸。後胡爲孝子。舉四男。相孝子。昌其家。孝子以居遠。伯仲親數見。見必極歡。別慘淚如嬰孩。然孝子款樸無緣飾。見人語煦。

煦人易之聞其事則肅然起敬。嘉慶丙子丁丑間。修邑志。僉謂孝子宜有述。孝子斷斷執不可。涕盈眶。當是時。孝子老矣。習孝子者。重傷孝子志事。乃己。孝子壽七十有七而終。妻後孝子十三年卒。孝子身後。族春秋祭其先。自靖一姑。上下咸頌。孝子長生。胙永世勿替。

奚孝子學略

奚孝子名緝營字聖輝。江蘇寶山人。父士本字秀林。以孝行
旌門。自其未旌之先。鄉里無不知有奚孝子者。秀林歿而聖輝
又以孝聞鄉里。稱奚孝子。與昔無異也。孝子幼入塾。從師講論
語。至父母之年。不可不知。輒箴箴隕涕。師大奇之。曰。非是父不
生。是子成童時。母沈。遭疾。醫云難治。孝子潛封臂肉作湯。以進。
母果瘳。踰數年。母病革。夜偕妻朱氏。向北斗稽顙。乞減算。以代
母。既歿。孝子常宿父所。秀林年七十餘。冬月惡寒。孝子夜抱父
足。達旦。父歿後。或勸以入粟求仕。則曰。吾父以貧廢學。布衣終
其身。吾敢納粟希冠帶乎。兩弟早卒。撫遺孤如所生。女兄嫁某。

氏貧不能自存。同室妹適某氏。早寡。皆依孝子。以活。分宅居之。而婚嫁其子女。皆承秀林之志也。其它創義學。平糶。施棺。多可紀者。子增慶能亢其宗。寶山令李君元魯。田君聯芳。皆題額贈之。而錢詹事大昕爲作傳。以比南史。會稽郭世通父子云。

鄧孝子事略

鄧孝子觀。澗江西洋鄉人。幼有至性。隨父梅安宦京師。受詩。至
蓼莪。輒廢書泣。人異之。稍長。隨父監司中州。職防河。孝子聞河
務。輒能得其要領。父遷四川。按察使。坐巡鹽舊案被逮。籍沒論
死。賴。

上恩矜緩。繫刑部獄三載。孝子隻身左右之。會族兄某至。孝子
謀丐貨納贖。父慮其無濟也。漕督楊勤懇公。訟孝子。父官吏部
時甚清介。不至以貪敗。為孝子謀者屢矣。乃徧走齊鄭燕楚。嘗
夜墜叢莽中。狐鬼嗥嘯相逼。一僕劉章阻勿行。弗顧。遇狼火出
焉。閃闖入都。訴於步軍統領果毅阿公公。叱曰。爾拙入禁地。不

畏死耶命繫暗室孝子度父無生理誓身殉哭晝夜不絕聲一
武弁守之聞哭詢其故義而釋之他日復伺訴於忠勇傅公
及阿公馬前傅公語阿公曰孺子冒死救親可憫也宜上請阿
公亦惻然二公取其辭入奏得旨鄧某情可原準贖傅公遣
飛騎爲孝子賀蓋深重之也納錢入父獲免先是母卒於家迨
見父始得知奉父生還畢母葬越二年父旅殯南陽復匍匐歸
其喪哀感行路其慘瘁備嘗如此他行誼皆甚摯而孝尤篤遠
近稱鄧孝子云

潘孝子事略

潘孝子名瑀。錢唐潘隆子也。隆妻丁氏生女珠。姑久之乃生孝子。故先有養子於家。隆嘗之海甯。養子耽飲不戒於火。倉卒中。丁氏挈一篋。令孝子負之。先行。孝子及門。回視失母。委篋復入。適家人自火出。望見孝子。遂止之。曰。後垣不可穴。主母已不救矣。但聞孝子言。母若不保。我何以生為。竟冒火入。從母及珠。姑死。初。家人在火中。見主母為煙燄所阻。欲掖珠。姑行。珠姑揮之。曰。汝男子。何可拉我。我惟有從我母死耳。於是珠姑亦死。火熄。撥灰燼。孝子與母。妹三尸。相環結。雖燬猶隱。隱可辨識。時乾隆四十四年十二月望日也。孝子年裁十五。性穎異。素有奇童之

目其殉親與明孝童郭金科事相類。珠姑早適范以賢孝聞。時歸甯遂及於難。孝子死後其聘妻王氏同邑人世居江干長孝子二歲聞訃未婚守志送孝子葬畢卽歸潘氏懼葬地隘後將不能同穴跪請於舅曰翁如拓數弓地婦死有依矣從之事舅以孝聞撫嗣子克延其祀。

龐孝子事略

長洲虎邱山塘有龐孝子者名佑字申甫早喪母與父同寢晨夕依依相憐也以是終身不再娶父年六十餘病盡便溺閉隆醫治莫能效左右愕視計無出孝子私跪中庭默禱三晝夜忽水道通患頓釋親黨交慶謂必有陰相孝子者既乃稍稍聞知實孝子吮師所致云又八年父卒哭踊盡哀不處內偕昆弟經營窀穸無失禮既葬父家事一稟兄命不析產弟卒撫其孤孤亡又撫髮穉四人教養成立僕兄通負以干計襄戚屬中之不克葬者推解周急承父志一如親在時性嚴介不苟取與有賣珠姬過孝子家遺金珠一篋姬歸暴病死物主向姬家索金珠

不得訟之官。賈鬻產以償孝子。跡知之。還其篋。封識宛然。訟得
解。謝以金。不受。里人嘖嘖稱道之。

國朝先正事略卷六十

李義

平江李元度次青集

湯孝子事略

湯孝子名淵字潤泉。常熟唐墅鎮人。八歲失怙。家窶甚。無由入
業塾。母茅氏紡織度日。君見輒淚下。少長業負販供菽水。母
暫休。母曰休不且餓死耶。君大慟。益竭蹶紆。母勸會客。至母擊
茗椀立屏背呼。遷出。君惶恐跪地。受自傷。貧不能具。婢痛自
責。幾無所容。年垂三十始娶袁氏。逾年生一子。而妻遂亡。或諷
使繼室。孝子曰吾已有子。何忍分養母之力。以養婦。竟以驟終。
母歿。柴毀骨立。哀號動路人。其後家稍裕。然嚴冬風雪覆被衾。

不肯露禭曰吾親昔無之吾敢求溫年五十有八卒先期命市棺仍視殯母之費雖力足辦勿增也生平事兄若父同居至老侍杖屨尤恪嘗助宗黨之殯葬者每過窮獨量醵之然深自晦迹目不識字而拾道旁遺字最勤其天性然也子若孫並循謹守家風許進士朝何明經忠相皆爲作傳而朱侍講瑋誌其墓

黃孝子事略

黃孝子古愚名則有。湖南邵陽人。生四歲喪母。家故貧。母孫氏。幼苦撫育。稍長。造就外傳。人或諷以儒冠。多誤。莫能濟飢寒。母曰。吾忍死不欲吾兒廢學。正冀其能濟吾窮耳。言已。淚雨落。孝子聞之。大痛奮於學。所詣日益進。試輒屈其曹。偶途冠授。徒里中。資修脯。養母。然以戀母。故終其身。所館不出二十里外。館中奉膳稍豐。即終席不下箸。夏無帳。主人以進命撤之。曰。吾母無此頑舉。甘受蚊。嗥弗忍。蔽也。值嚴寒。父製棉衣。進因御之。或責以矯廉。則泣曰。家貧無以煖母。乃忍享此奇溫耶。聞者大感動。高事纂修。廣府志。招孝子與楊孝廉大灝入志館。兩人居同

室一夕風大作雪盈尺詩已就枕矣忽披衣起執室長吁傷君
問故答曰思吾老母耳卽夕冒雪馳三十里歸旣抵家母大喜
曰吾思兒正切也是時母年近九十孝子齒亦逾六十矣有司
上其狀請旌得旨俞允而孝子母苦節置吏先已彙奏於是
節母孝子同被旌命下日邦人咨嗟歎羨有位者無何
節母歿孝子亦繼逝蓋以毀終也孝子性好吟幼讀宋人詩銳
志學之每一詩成狂跳疾呼索人誦論人或竊笑其旁弗省也
貌蒼古類深山老衲所遭極窮惡而自守益堅不少貶又喜施
與在志局三年嘗節薪水資購絮衣棉被貽其戚族之貧者子
紹賢亦能詩早卒有九品遺篋附孝子詩集後

胡孝子事略 蕭周傳

胡孝子名其愛。安徽桐城人。生不識詩書。儲力以養母。母陳氏。中歲。避寇。瘵之疾。長臥牀褥。孝子常左右之。自臥起。至飲食。湯。候。皆躬自扶抱。一身而百役。靡不爲也。家無升斗儲。每晨起。爲母盥沐。烹飪。進朝餽。乃敢出傭。其傭地稍遠。不及炊。則出勺米。付鄰媪。而叩首以祈。其代爨。媪辭。叩則行。數里。小途。致其拜焉。夜必歸。歸則取母巾帨。自浣滌。孝子衣履皆垢。徹而時。致肥鮮。供母。出傭。遇肉食。卽不食。而請歸。以遺母。同列見其然。多分餽之。輒不受。平生無所取於人。有與之者。必執村鄰有伶優之劇。孝子必負母出。覈爲藉草安坐。候至。夜分。人散。乃復負而還。母

欲往宗親里邵家亦如之孝子以貧故遂不要養母終其身母病三十年奉之如一日也乾隆二十七年母卒負土成墳卽墳旁掛片席以居明年以毀卒

同時潘孝子周岱涇縣茂林都人家貧世業竹工孝子幼隨父執藝親身先煩滯而遺父以易且逸者在家侍養必父母食然後食工餘兼力農晝夜弗懈歲卽歉奉甘旨外俾弟食踰於已而自率妻子咽糟糠父創足不良於行每出備孝子負而往返積有年父老罷廢獨於工遇酒肉時蔬則懷歸燂溫以進父母疾左右侍養無須臾離滄棠澤滌厠履恆憂慙涕泣母家銅山山下泉清冽殊常品母病篤夜半思飲孝子急挈瓶而奔嚮

呀已返。蓋四十餘里矣。居喪且暮。悲號行路。皆隨淚。先後店。各三年。寔舍枕。林麓有巨蛇。憩苦塊旁。不爲備。當盛夏。蚊蠅交。嚼未嘗遮。揮扇。除服夕。必至墓所。蒸香。燃燈。雨雪。罔問者。二十餘年。終其身。如一日。偶他適。預語其妻。加與鏹。以奠妻吳氏。亦破戒。無違命。平時立木主於室。供具如生存。將出。彌蚤起。獻湯茗畢。乃行。歸復如之。伏臘祭祀。依依孺慕。或失聲。貌樸誠。臨事纖毫無所苟。道光元年。以孝子被 旌。

高孝子事略

高孝子啟煥浙江山陰人性仁孝。授室後猶常臥親側。母患背疽。醫不治。孝子泣吮之。數日愈。又念母肢體傷痛。乃傅藥於手。朝夕按摩。數年乃得痊。而孝子雙目爲藥氣薰灸。遂替更三載。竟復明。居親喪終制。不近內。鄰輩泣父墓。在村畔。金鷄山。日一往視。風雨無稍閉。兩弟幼孤。藉以成立。終身共爨。從兄某卒。濟南倉大使孝子歸其骨。爲娶子婦。延嗣。凡族子貧者皆贖。以長室。初胡某負百金。既還。資應主簿。孝子偶過之。胡欲以重息貸金。以償孝子。乃焚券去。郡大饑。孝子盡出所儲粟以賑。不給。衣。衣。不給。乃變產以濟。所全活亡算。平居施棺藥。以爲常。蓋

錫類之仁也。有司請旌其門。舉鄉飲大賓。人皆稱高孝子而不名。卒年六十有八。後昆振振然爲浙東華族云。

朱孝子事略

青浦朱孝子名修來字懷遠號愛林居邑之金澤鎮父紹辰早
世母郭氏守志撫孤家貧甚孝子八歲入塾旦起先撿野蕪置
筐和苧粥食之以爲常聞師講孝經至謹身節用以養父母卽
終身誦述不衰自塾歸母授一錢俾易餅餌代午餐仍剖半遺
母或無錢則忍飢讀越二年母患鼻衄頗劇醫言淪蘆根飲可
愈孝子急向鎮東白蕩灘掘之得數幹方嚴寒冰滑失足墮風
浪中飄泊踰數刻幾死遇救蘇裹敗絮送歸微息僅存猶堅握
蘆根不釋燂湯沃殭手血漉漉殷盆中蓋冰核所刺也亡何值
歲祲谷艱食遂傭負舛受值備糴殮每日適市必糴升米挈水

二三被乃行雞風雨必再省視見母無恙則喜稍違豫卽憂形於色夜俟母睡熟始安枕歲時有魚肉鮓養餌攜歸獻母弗敢私顧母性嚴正炊烟卽不繼毋許稱貸若奉命惟謹在肆力作倍勤無纖毫苟他人有債則解惟十者於常值外例勞酒資口貲錢五盡投做篋中嘗痛甘節未顯背若負芒貲爲異日請旌地累積餘四十年竟獲歸有司請朝建坊如例時母已前卒以未獲親睹爲憾輒嗚咽流涕營生曠依父母望側謂生不能養死得侍晨昏也生平動循禮法孺慕終身遠近稱孝無聞言孫德基曾孫啟華皆爲名諸生道光丁亥學使辛侍郎益按部爲給額表其闕

吳孝義事略 潘良昌

吳孝義名紹先字伯宗山西陵山人少讀書略解文義十六歲
父母皆亡有二弟季年十一與從兄偶出遂絕蹤又數年仲以
博塞失負逃伯宗負販以述之南出襄洛西歷劍州東至黑龍
江積十有六年卒同時而得之初遇季於京師爲高氏僕高感
其義許之歸時已微聞仲在甯古塔乃西季而自往求仲且與
季別曰吾得仲則偕返否則併吾之妻子屬弟矣舊都郊闕出
入有禁限伯宗率以計達至則仲果在甯古塔豪家以情請乃
同公人入軍府訟軍吏庇豪欲威懾伯宗以應對失儀唾其面
血淋漓伯宗辭愈強直且言邇京將徵闕吏懼卒白大神持其

弟以歸時仲冬。沍寒夜經大臥。穢行者皆墜。指伯宗與弟相推挽。願而曰。此中人未有如吾樂者也。比入塞。爪甲脫爛。無存者。至京師。待季偕行。知其事者。爭傳說。公卿間相國陳文貞公贈詩七十韻。李文貞公爲書事。多就而體貌之。伯宗報然。大無以自容。衣敝履穿。或贈遺。終不受。有與同寓舍者。聞其哭。失聲就視之。則讀論語。父母之年。章也。伯宗事在康熙三十年。後六十年。有湖南蕭孝義事。

蕭君名良昌。邵陽人。生有至性。事兩親至孝。兄弟四君。其季也。析居最早。已伯仲。歿各遺一子。叔兄僅一子。忽攜之遠出。不知所之。方是時。家貧甚。諸孤。梵梵無所衣食。君極憂之。地固產漆。

居民以所產買之他省。君少習是業，稍獲利。或勸之娶，君泣曰：「吾兩兄死，遺孤無以自存，吾忍遽言娶耶？」乃悉召諸子，復同產。卒之，買荆襄間。其後家漸裕，乃始娶婦。是時父健在，事之最謹。能先意承志，嘗除夕家人團宴，父舉觴，賜君曰：「兒能撫存孤姪，吾心滋慰，願安得汝叔兄父子一見爲慳。」君跪白曰：「兒誓往覓。」朔正四日，遽束裝。子身出時，兄音問久梗，或傳其在滇。君至滇，應訪數郡，縣無所值。凡隣家六閱月，徒步萬餘里，冀將盡矣。窮途哭泣，目盡腫。見者咸嗟歎不已。一日，蕩暮抵村塾，塾師朱翁亦邵人，告以故。朱翁止之宿，且爲筮之，曰：「賀君明日卽相見矣。」君大喜，其夕復夢兩舟相磨，憂自以爲兄弟相遇之兆。蓋復大

喜鵲初鳴卽別朱翁行天明至一村。落遇有曉汲者熟視卽其
兄子也。君見兄相持大哭。亟偕歸與同居。父心大慰。復舉鵲屬
君曰。兒真孝子。吾死且瞑目矣。君勤苦成家。育諸子如已子。家
門嚴肅。婦女絕口不敢言。析居事年八十有餘。卒之前歲始
爲諸子析產。厚于兄子田宅。而令己子少受。諸子固辭。則曰。若
曹佐我成家甚劬苦。吾子勞遂旣殊。受產可無別耶。卒令少受。
兩子亦怡然從之。

李孝義事略 黃成富 陳福 譚衿

李君長茂字齡侯福建海澄人四世同居男女千指共爨而食無閒言建大小宗祠置烝嘗田以奉祭祀著家規十法十戒以示子孫立義學以訓族人之貧不能延師者每歲必捐居積以助族人之不能婚娶者于五福順治己丑進士官刑部侍郎兄弟八人備極友愛暇輒以詩歌吟調相勸誡人以爲有江州陳氏風時有黃君成富者連江農家子也六世同居男女六十餘口雍睦無閒子弟各執其業每出作田閒眾婦俱往畱一婦視家臥兒於筐飢則乳之不問其爲誰兒也懸衣於桁出則脫之入則衣之垢則澣之不問其誰衣也遇客至供具飲食家長主

之家中不聞一言又永春陳福者世居西溪以耕讀爲業兄弟同居至福已十二世家建二堂以別男女飲食家範整肅儉世立一人督家政婚娶葬祭量力辦治子孫世守醇樸未嘗一至有司之庭地方吏禮獎並免其徭役焉

譙君名矜湖南沅江人邑諸生自明正德時至矜凡七世同居積二百餘年喪祭無失禮親支百十九人矜以祖命主家政每食男女異席終事無譁會鄰家火起矜兄弟先入祠堂抱神主避火火隨息家蓄耕牛每出入亦以齒先後在牧地行列不亂作家訓二十條子孫咸遵守之雍正十年詔旌其門

世篤仁風額賜之

御書

吳孝義事略

吳君鴻錫字允康福建晉江人生七歲而海寇亂父萬佑避兵
浙江適兵部郎中滿洲噶尼希奉命來造戰艦延萬佑於幕
未幾卒噶公挈君歸京師將子之君請呼以伯曰父一而已噶
公大奇之曰七歲兒能辨此耶噶公清宦家漸因君稍長助任
芻牧精勤勇猛芻恆有餘市書冊弓矢私習之又市酒果蔬能
者實焉數年遂通滿漢文精騎射會噶公校射方怒拙射者君
徐進三發皆中噶公益奇之康熙癸亥從兄雲鱗以平臺勦功
授參將引見入都因就噶公乞君歸噶喜遽諾之君泣曰我
未可以歸也我七歲育於公今我壯而公老矣三公子皆成立

我乃可歸耳。鳴公聞言，持君大勳，遂不果行。鎮國公海清、鳴公
壻也。高其義，迷隸公府，佐領俾久居旗下。以成君志。明年，鳴公
卒。夫人以哀毀得狂，易疾。長子和順，甫七歲。次和鼎，六歲。和麟，
五歲。君獨力治喪事，盡禮。然鳴公新喪，諸族豪悍，僕耽耽欲奪
食其家。君信行素字，又材且武，諭以義，歸以威，眾莫敢侮。家故
不及中人，君精心計，權子母業，日以饒。延良師，課鳴公三子，食
飲必親饋，業稍進，則頓首謝師。越之益，盡力。又親教三子，國書
稍長，並爲娶名族女。君尤謹於禮，冠帶終日，司柩以婦人。歲時
慶祝，君盛衣冠，率家人入執事，事畢，親率以出。內外肅然。和順
年十六，有忌之者，擢爲護軍將，困苦之，每番直。君佩刀從，直夜。

則露坐終夕。人莫敢加害。願念非通仕籍。末由免役。而鳴公故交。惟大學士阿蘭泰公稱長者。可以義動。乃率三子曰。候公門外。公得其情。果惻然問者。子習國書乎。曰皆習。孰最優。曰和順。阿公許以中書用。既而首輔索額圖欲用其族子。君卽爲書言和順孤苦狀。伺索公出。踞上之索。大怒。擲書去。君踞其門。五晝夜。水漿不入於口。困垂。樊索大驚。捫之曰。世乃有義烈如子者乎。吾用順矣。就試。果得中書乙亥。

聖祖親征厄魯特。君謂順曰。國家有事。正臣子效命之秋。亦子發跡地也。遂治裝從征。隨大將軍費襄壯公由西路進。君積束從行。數日。家中宵小攘攷。遽起。急使人追君。還君泣謂順曰。

吾不得偕行矣。雖然戰陣無勇，非孝也。子必勉之。怒馬抵家，育小亡匿，訖無事。而順亦立功，擢禮部主事。有約順會飲者，以博具佐鵬政。君知其匪人也，拔刀衝座，執其人將殺之。刀觸席，涇然其人叩頭乞命，使斧而去。引順歸，或問人可殺乎。君正色曰：殺人不過死耳。吾已許鵬公撫諸孤而坐視其禍於燕朋，誠生不如死。吾死而諸孤知勉，則死賢於生矣。順自是不復與燕會。

癸未山東大饑，詔遣官往賑。和順在行，君曰：此仁人君子盡心時也。從以往，分賑武城。廩未發，君預以私錢市米，因遂戶稽册，先量給之。念民居有僻遠，不能至縣者，度四鄉適中地，得南魯集爲散賑所。又懼民飢久不勝任負，日爲蒸餅萬計，人給其

二然飢腸驟飽有致斃者或言先飲蘿蔔湯則無害亟具湯日
活民無算武城十萬家得實源 皇仁者君佐順力也事竣歸
縣人泣送者數千有送至京者順奉 命收密雲關稅君曰負
販小民不可取其稅儻額不及以家財足之可也民大悅競趨
之額亦無歉相鼎習舉業遇鄉試君述先德勸課恒涕泗交頤
猶懼其怠也穴其几貫鐵索自繫以守之龜驚謝請脫繫不許
禍益力遂中式鼎弟和麟年十六卽攜赴永定河效力河故名
無定水怒土疏潰壞無常君爲親督舂搗隄成而水驟漲君晝
夜守視增卑培薄直隸巡撫于清端公夜出視隄遙見有拜於
隄泣灑河神者召詢之則君也于公歎異脫蓑衣贈之是歲隄

壞者多麟所占。獨不壞。敘功補筆帖式。累遷刑部郎中。比君卒。三子去纓席地。婦皆披髮去瑤如居父母喪。葬之日。皆徒步扶匭至塋。哀毀過節。蓋君所以感之者深矣。初君以塲公有已恩。矢扶其孤。不得歸。卽京受室。念父母邱墓南望。輒隕涕。追寫父母像。遇忌辰及歲時。伏臘率妻子哭奠。竟日檢篋得父遺衣冠。就塲公墓相近地招魂葬之。每歲除設奠。終夕徘徊兩墓間。或勸之歸曰。吾幼孤不逮。養義不當受家人之養也。生平善治生。而自奉蓄受人之施一飯必報。其施於人者。雖千金不言惠也。歿之日。取朋友稱貸約盡焚之。持躬嚴整。見者皆敬憚。在武城。賑荒時有舊家子落魄工。若媚屢進謁。和順談笑。傾其座人。惟

君在時汗流氣塞終席不能出一語其幾於寬而粟者與君卒於康熙己丑年五十有八子世久官親軍枝常德丁未進士官郎中君卒後安溪李侍講清植爲之傳私謚孝義先生而瀘川李侍郎執表其墓